

গণপ্রজাতন্ত্রী বাংলাদেশ সরকার
স্থানীয় সরকার, পল্লী উন্নয়ন ও সমবায় মন্ত্রণালয়
স্থানীয় সরকার বিভাগ
ইউপি-১ শাখা
www.lgd.gov.bd

শেখ হাসিনার মূলনীতি
গ্রাম শহরের উন্নতি


স্মারক নং- ৪৬.০০.০০০০.০১৭.২৩.০০১.২২ (অংশ-১)- ৬-৫ ৫

তারিখ: ৯ ভাদ্র ১৪৩০
২৪ আগস্ট ২০২৩

বিষয়: 'জাতীয় স্থানীয় সরকার দিবস' উদযাপন উপলক্ষ্যে অনুষ্ঠিত সভার কার্যবিবরণী প্রেরণ।

উপর্যুক্ত বিষয়ে, 'জাতীয় স্থানীয় সরকার দিবস' উদযাপন উপলক্ষ্যে স্থানীয় সরকার, পল্লী উন্নয়ন ও সমবায় মন্ত্রণালয়ের মাননীয় মন্ত্রীর সভাপতিত্বে গত ২১/৮/২০২৩ তারিখে অনুষ্ঠিত সভার কার্যবিবরণী সদয় অবগতি ও পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এসাথে প্রেরণ করা হলো।

সংযুক্তি: ২ (দুই) পাতা।


২৪.০৮.২৩

(জেসমীন প্রধান)

সিনিয়র সহকারী সচিব

ফোন: ০২-২২৩৩৫৩৩৯৪

Email :gup1@lgd.gov.bd

বিতরণ (জ্যেষ্ঠতার ক্রমানুসারে নয়):

- ১। অতিরিক্ত সচিব (সকল)/মহাপরিচালক (পমূপ), স্থানীয় সরকার বিভাগ।
- ২। বিভাগীয় কমিশনার (সকল)।
- ৩। যুগ্মসচিব (সকল), স্থানীয় সরকার বিভাগ।
- ৪। জেলা প্রশাসক (সকল)।
- ৫। উপসচিব (সকল), স্থানীয় সরকার বিভাগ।
- ৬। উপজেলা নির্বাহী অফিসার (সকল)।
- ৭। সিনিয়র সহকারী সচিব (সকল)/সহকারী সচিব (সকল), স্থানীয় সরকার বিভাগ।
- ৮। প্রধান হিসাবরক্ষণ কর্মকর্তা, স্থানীয় সরকার বিভাগ, সিজিএ ভবন (৫ম তলা), সেগুনবাগিচা, ঢাকা।
- ৯। প্রোগ্রামার, স্থানীয় সরকার বিভাগ।

দপ্তর/সংস্থা/স্থানীয় সরকার প্রতিষ্ঠান (জ্যেষ্ঠতার ক্রমানুসারে নয়):

- ১। প্রধান প্রকৌশলী, স্থানীয় সরকার প্রকৌশল অধিদপ্তর/জনস্বাস্থ্য প্রকৌশল অধিদপ্তর।
- ২। প্রধান নির্বাহী কর্মকর্তা, ঢাকা উত্তর/ঢাকা দক্ষিণ সিটি কর্পোরেশন।
- ৩। মহাপরিচালক, জাতীয় স্থানীয় সরকার ইনস্টিটিউট, ঢাকা/রেজিস্ট্রার জেনারেল, রেজিস্ট্রার জেনারেলের কার্যালয়, জম্মু মৃত্যু নিবন্ধন।
- ৪। ব্যবস্থাপনা পরিচালক, ঢাকা ওয়াসা/চট্টগ্রাম ওয়াসা/খুলনা ওয়াসা/রাজশাহী ওয়াসা।
- ৫। প্রধান নির্বাহী কর্মকর্তা, রাজশাহী/চট্টগ্রাম/গাজীপুর/সিলেট/খুলনা/বরিশাল/নারায়ণগঞ্জ/কুমিল্লা/রংপুর/ময়মনসিংহ সিটি কর্পোরেশন।
- ৬। প্রধান নির্বাহী কর্মকর্তা, জেলা পরিষদ (সকল)।
- ৭। ভারপ্রাপ্ত কর্মকর্তা, ঢাকা মশক নিবারণী দপ্তর।
- ৮। চেয়ারম্যান, উপজেলা পরিষদ (সকল)।

অনুলিপি:

- ১। মাননীয় মেয়র, সিটি কর্পোরেশন (সকল)।
- ২। মাননীয় মন্ত্রীর একান্ত সচিব, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ৩। সচিবের একান্ত সচিব, স্থানীয় সরকার বিভাগ, বাংলাদেশ সচিবালয়, ঢাকা।
- ৪। প্রোগ্রামার, আইসিটি সেল, স্থানীয় সরকার বিভাগ (পত্রটি ওয়েবসাইটে প্রকাশের অনুরোধসহ)।
- ৫। অতিরিক্ত সচিবের ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।
- ৬। যুগ্মসচিব (ইউপি) এর ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।

গণপ্রজাতন্ত্রী বাংলাদেশ সরকার
স্থানীয় সরকার, পল্লী উন্নয়ন ও সমবায় মন্ত্রণালয়
স্থানীয় সরকার বিভাগ
ইউপি-১ শাখা
www.lgd.gov.bd

শেখ হাসিনার মূলনীতি
গ্রাম শহরের উন্নতি

বিষয়: 'জাতীয় স্থানীয় সরকার দিবস' উদ্‌যাপন উপলক্ষ্যে অনুষ্ঠিত সভার কার্যবিবরণী।

সভাপতি : মোঃ তাজুল ইসলাম এমপি
মন্ত্রী

স্থানীয় সরকার, পল্লী উন্নয়ন ও সমবায় মন্ত্রণালয়

সভার তারিখ : ২১/০৮/২০২৩

সময় : দুপুর ২:০০ টা

সভায় উপস্থিত সদস্যগণের তালিকা পরিশিষ্ট- 'ক'

সভাপতি সকলকে স্বাগত জানিয়ে সভার কার্যক্রম শুরু করেন। তিনি জাতির পিতা বঙ্গবন্ধু শেখ মুজিবুর রহমান, বঙ্গমাতাসহ সকল শহীদের আত্মার মাগফেরাত কামনা করেন। এরপর ২১ আগস্ট ভয়াবহ গ্রেনেড হামলায় নিহতদের আত্মার মাগফেরাত কামনা করে দোয়া ও মোনাজাত করা হয়।

২। সভাপতির অনুমতিক্রমে সচিব, স্থানীয় সরকার বিভাগ জানান যে, ৫ সেপ্টেম্বর 'জাতীয় স্থানীয় সরকার দিবস' উদ্‌যাপনের সিদ্ধান্ত গৃহীত হলেও অনিবার্য কারণে তা ১৪ সেপ্টেম্বর উদ্‌যাপিত হবে। তিনি আরো জানান যে, দিবস উদ্‌যাপন উপলক্ষ্যে স্থানীয় সরকার প্রতিষ্ঠানের জনপ্রতিনিধি তথা সিটি কর্পোরেশনের মাননীয় মেয়রগণ, ঢাকা দক্ষিণ ও ঢাকা উত্তর সিটি কর্পোরেশনের কাউন্সিলরগণ, জেলা পরিষদের চেয়ারম্যান এবং সদস্যবৃন্দ, উপজেলা পরিষদের চেয়ারম্যানবৃন্দ, পৌরসভার মেয়রগণ, ইউনিয়ন পরিষদের চেয়ারম্যানগণকে গণভবনে আয়োজিত অনুষ্ঠানে আমন্ত্রণ জানানো যেতে পারে। এ পর্যায়ে তিনি অতিরিক্ত সচিব, স্থানীয় সরকার বিভাগকে দিবস উদ্‌যাপন উপলক্ষ্যে গঠিত কমিটি কার্যক্রম এবং অগ্রগতি তুলে ধরার জন্য অনুরোধ করেন।

৩। অতিরিক্ত সচিব জানান যে, 'জাতীয় স্থানীয় সরকার দিবস' উদ্‌যাপন উপলক্ষ্যে জাতীয় ও স্থানীয় পর্যায়ে গৃহীত কর্মসূচি, প্রণীত গাইডলাইন ইত:পূর্বে সংশ্লিষ্টদের নিকট প্রেরণ করা হয়েছে। সার্বিক সহযোগিতা এবং সক্রিয় অংশগ্রহণের লক্ষ্যে প্রধান প্রকৌশলী, স্থানীয় সরকার প্রকৌশল অধিদপ্তর, জনস্বাস্থ্য প্রকৌশল অধিদপ্তর, ব্যবস্থাপনা পরিচালক, ওয়াসাসমূহ বরাবর পত্র প্রেরণ করা হয়েছে। তিনি সভাকে আরো অবহিত করেন যে, জেলা ও স্থানীয় পর্যায়ে এবং অন্যান্য সিটি কর্পোরেশনসমূহকে অবিলম্বে কর্মসূচি গ্রহণপূর্বক ২০/৮/২০২৩ তারিখের মধ্যে স্থানীয় সরকার বিভাগকে অবহিত করার জন্য অনুরোধ করা হয়েছে। মন্ত্রিপরিষদ বিভাগ, জনপ্রশাসন মন্ত্রণালয়, অর্থ বিভাগ, জননিরাপত্তা বিভাগ, প্রাথমিক ও গণশিক্ষা মন্ত্রণালয়, মুক্তিযুদ্ধ বিষয়ক মন্ত্রণালয়, মাধ্যমিক ও উচ্চ শিক্ষা বিভাগ, গৃহায়ণ ও গণপূর্ত মন্ত্রণালয়সহ সংশ্লিষ্ট মন্ত্রণালয়/বিভাগের সংশ্লিষ্টতা থাকায় এবং মাঠ পর্যায়ের কর্মকর্তাগণকে সদস্য হিসেবে অন্তর্ভুক্ত করায় মাননীয় মন্ত্রীর সভাপতিত্বে অনুষ্ঠিত সভার কার্যবিবরণী এবং প্রণীত গাইডলাইন সদয় অবগতি ও পরবর্তী প্রয়োজনীয় ব্যবস্থা গ্রহণের জন্য এ সকল মন্ত্রণালয়/বিভাগে প্রেরণ করা হয়েছে।



‘জাতীয় স্থানীয় সরকার দিবস’ যথাযথ গুরুত্ব ও মর্যাদার সাথে উদ্‌যাপনের লক্ষ্যে পরিচালক, স্থানীয় সরকার (সকল), উপপরিচালক, স্থানীয় সরকার (সকল), প্রধান নির্বাহী কর্মকর্তা, রাজশাহী/চট্টগ্রাম/গাজীপুর/সিলেট/খুলনা/বরিশাল/নারায়ণগঞ্জ/কুমিল্লা/রংপুর/ময়মনসিংহ সিটি কর্পোরেশনের সমন্বয়ে অতিরিক্ত সচিবের সভাপতিত্বে সভা অনুষ্ঠিত হয়েছে। এছাড়াও, জেলা পরিষদ, উপজেলা পরিষদ এবং পৌরসভাসমূহকে নিজস্ব অর্থ ব্যয়ের বিষয়ে স্ব স্ব উইং থেকে নির্দেশনা প্রদানের জন্য সংশ্লিষ্ট অধিশাখাগুলোতে ইউ.ও নোট প্রেরণ করা হয়েছে। এ উপলক্ষ্যে গঠিত কমিটির কার্যক্রম এবং অগ্রগতি পর্যালোচনার লক্ষ্যে সচিব মহোদয়ের সভাপতিত্বে গত ১৬/৮/২০২৩ তারিখে সভা অনুষ্ঠিত হয়েছে। ‘জাতীয় স্থানীয় সরকার দিবস’ উদ্‌যাপনে এ বছরের প্রতিপাদ্য-

“সেবা ও উন্নতির দক্ষ রূপকার
উন্নয়নে-উদ্ভাবনে স্থানীয় সরকার”

৪। সচিব, স্থানীয় সরকার বিভাগ, দিবস উদ্‌যাপন উপলক্ষ্যে গঠিত ৯(নয়) টি কমিটির আহ্বায়কগণকে অগ্রগতি উপস্থাপনের অনুরোধ করেন। কমিটির আহ্বায়কগণ এ পর্যন্ত গৃহীত পদক্ষেপ তুলে ধরেন এবং দিবস উদ্‌যাপনের পরিবর্তিত তারিখ অনুযায়ী কাজ করার বিষয়ে তাদের মতামত ব্যক্ত করেন।

৫। সভাপতি উল্লেখ করেন যে, প্রথম বারের মতো এ দিবস উদ্‌যাপিত হচ্ছে। যথাযথ মর্যাদা এবং আয়োজনে দিবসটি উদ্‌যাপিত হতে হবে। সকল কমিটিকে অর্পিত দায়িত্ব সুষ্ঠুভাবে প্রতিপালন এবং মাঠ পর্যায়ে কর্মসূচি যথাযথভাবে যাতে বাস্তবায়িত হয় সে বিষয়ে তিনি নির্দেশনা প্রদান করেন। তিনি আরো উল্লেখ করেন যে, কেন্দ্রীয় কর্মসূচিতে স্থানীয় জনপ্রতিনিধিগণ অংশগ্রহণ করবেন বিধায় স্থানীয় কর্মসূচিতে জনপ্রতিনিধিগণের নিজ নিজ কর্মস্থলে/অধিক্ষেত্রে প্রত্যাবর্তনের পর বাস্তবায়ন করা সমীচীন হবে। সকল উপজেলায় ‘জাতীয় স্থানীয় সরকার দিবস উন্নয়ন মেলা’ আয়োজনের নির্দেশনা প্রদান করেন। পরিবর্তিত সময় এবং কর্মসূচি অনুযায়ী কার্যক্রম গ্রহণেরও তিনি নির্দেশনা প্রদান করেন।

৬। সভায় বিস্তারিত আলোচনান্তে নিম্নবর্ণিত সিদ্ধান্ত গৃহীত হয়:

ক্রমিক	সিদ্ধান্ত
১	‘জাতীয় স্থানীয় সরকার দিবস’ উদ্‌যাপন উপলক্ষ্যে গঠিত কমিটিসমূহ পরিবর্তিত তারিখ এবং ডেন্যুর সাথে সামঞ্জস্য রেখে যথাযথভাবে দায়িত্ব পালন করবে।
২	উপজেলা পর্যায়ে ‘জাতীয় স্থানীয় সরকার দিবস উন্নয়ন মেলা’ অন্তত ৩ (তিন) দিন ব্যাপী আয়োজন করতে হবে। মেলায় প্রতিটি ইউনিয়ন পরিষদ, স্থানীয় সরকার বিভাগের আওতাধীন সকল দপ্তর/সংস্থা সরকারের বাস্তবায়িত উন্নয়ন কর্মকান্ড এবং ভবিষ্যৎ কর্মপরিকল্পনা তুলে ধরার জন্য নিজ নিজ স্টল স্থাপন করবে। এ সকল স্টল থেকে স্ব স্ব প্রতিষ্ঠান জনগণকে প্রদেয় সেবাসমূহ তাৎক্ষণিকভাবে প্রদানের আয়োজন করতে পারে। উপজেলা কমিটি মেলাকে আকর্ষণীয়, উপভোগ্য এবং জনগণের ব্যাপক অংশগ্রহণের সম্ভাব্য ব্যবস্থা গ্রহণ করবে।
৩	স্থানীয় সরকার প্রতিনিধিসমূহ গৃহীত কর্মসূচি বাস্তবায়নে নিজস্ব তহবিল হতে যাতে ব্যয় নির্বাহ করতে পারে এ বিষয়ে সংশ্লিষ্ট অনুবিভাগ প্রয়োজনীয় নির্দেশনা প্রদান করবে।
৪	স্থানীয় সরকারের আওতাধীন সংস্থাসমূহ যথা- স্থানীয় সরকার প্রকৌশল অধিদপ্তর (এলজিইডি) এবং জনস্বাস্থ্য প্রকৌশল অধিদপ্তর (ডিপিএইচই) মাঠ পর্যায়ের অফিসসমূহকে স্থানীয় পর্যায়ের কর্মসূচিতে সক্রিয় অংশগ্রহণ এবং কর্মসূচি বাস্তবায়নে সংশ্লিষ্ট কমিটিকে সহায়তা প্রদানের প্রয়োজনীয় ব্যবস্থা গ্রহণ করবে।

৫	সিটি কর্পোরেশনসমূহ ও ওয়াসাসমূহ অবস্থানভেদে কেন্দ্রীয় এবং স্থানীয় পর্যায়ে কর্মসূচির সাথে সমন্বয় করে নিজ নিজ কর্মসূচি গ্রহণ করবে।
৬	ঢাকা উত্তর ও দক্ষিণ সিটি কর্পোরেশন ১৪ সেপ্টেম্বর দিবস উদযাপন উপলক্ষ্যে ঢাকা শহরের প্রধান সড়কসমূহ ফেস্টুন, ব্যানারের মাধ্যমে সুসজ্জিত করবে। এই দিবস উদযাপন উপলক্ষ্যে বিশেষ পরিচ্ছন্নতা অভিযান ও মশক নিধনের কর্মসূচি গ্রহণ করবে। এলইডি ও ডিজিটাল ব্যানারের মাধ্যমে এ দিবসের প্রতিপাদ্য এবং নির্মিত ভিডিও ডকুমেন্টারী প্রচারের ব্যবস্থা করবে।
৭	জনপ্রতিনিধি হিসেবে সিটি কর্পোরেশনসমূহের মাননীয় মেয়রগণ এবং ঢাকা উত্তর ও দক্ষিণ সিটি কর্পোরেশনের কাউন্সিলরগণ, জেলা পরিষদের চেয়ারম্যান এবং সদস্যবৃন্দ, উপজেলা পরিষদের চেয়ারম্যানগণ, পৌরসভার মেয়রগণ এবং ইউনিয়ন পরিষদের চেয়ারম্যানগণকে জাতীয় কর্মসূচিতে আমন্ত্রণ জানানো যেতে পারে।
৮	সংশ্লিষ্ট কমিটি সম্ভাব্য আমন্ত্রিত অতিথিদের তালিকা প্রণয়ন করবে।
৯	জেলা প্রশাসন স্থানীয় পর্যায়ে আমন্ত্রিত জনপ্রতিনিধিগণকে আমন্ত্রণপত্র বিতরণ এবং ঢাকায় প্রেরণের বিষয়ে প্রয়োজনীয় সহযোগিতা করবে।
১০	ক্রোড়পত্র প্রণয়ন, পুস্তিকা প্রকাশ এবং ডকুমেন্টারি তৈরির বিষয়ে সংশ্লিষ্ট কমিটিসমূহ উপস্থাপনীয় তথ্যের সামঞ্জস্যতা বিধানের জন্য নিজেদের মধ্যে সমন্বয় সাধন করবে।
১১	বাংলাদেশ টেলিভিশন (বিটিভি) এবং অন্যান্য টেলিভিশন চ্যানেলে সুবিধাজনক সময়ে প্রচারের জন্য একটি আলোচনা অনুষ্ঠান আয়োজন করা যেতে পারে।
১২	পরিবর্তিত কর্মসূচি সংশ্লিষ্ট সকলকে যথাসময়ে অবহিত করতে হবে।
১৩	মাঠ পর্যায়ে কর্মসূচি প্রেরণ করতে হবে।
১৪	আমন্ত্রণপত্র বিতরণের তালিকা প্রণয়ন করতে হবে।

৭। সভাপতি আর কোন আলোচনা না থাকায় সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-

মোঃ তাজুল ইসলাম এমপি

মন্ত্রী

স্থানীয় সরকার, পল্লী উন্নয়ন ও সমবায় মন্ত্রণালয়